

Sievert Weits beste schriever van Grunnen

NEI PEKEL - Sievert Weits uut Nei Pekel is veurige week wonsdag tot beste amateurschriever van de pervinzie Grunnen uutruipen. Ien Hoogezand stak hai mit zien stukkie 'Aalmoal Angst' mit kop en schollers bovn ale andere aachthonderd dailnemers oet. De minsen dei der verstand van haarn waarn 't erover ains dat Sievert verreweg de beste was. 'n Stuk of wat maanlu uut Nei Pekel, dei 't verhoal van Sievert al eerder onder oogn had haarn, waarn ook aal van main'n dat hai grode kaans muik om 'd eerste van de pervinzie te worden. Ze kreegn, naodat ze hom eerst tot kampioen van Pekel makt

haarn achterof geliek.

Sievert, dei geern schrievn mag, haar ien Pekel aal n moal eerder 'd hoofdpries wonn. Volgns borgmeester Van der Linden, dei hom ien 't stukjes-hoes 't Kielzog de biebeheurnde kadochies uutlangde en ook volgns de jury mout Sievert mit zien schrieverij zeker deurgoan. Fre Scheiber, veurzidder van de jury zee dat Sievert talent het en dat hai dat nait mout verkwaanseln, deur d'r bie-veurbeeld mit op te holn. Hail Nei Pekel is blied dat ain van heur dorpsgenootn wonn het en elk en ain wil hom vanoaf diz kaant den ook felciteern.